

張
氏
目
錄
中
心

第四冊

遷安縣志卷八

輿地志三

關隘 附津梁

山河之固在德不在險明初徐中山築邊牆自山海關西抵慕田峪一千七百餘里邊防可云密矣乃四塞爲固卒無救於毀垣卽如遷安所屬之劉家口等關時爲北兵闌入關隘果足恃乎我

朝中外一家威德遠播窮邊朔漠悉入版圖何有於此疆彼界也然北門鎖鑰啓閉惟謹有備無患之計當於記載詳之茲志關隘而附以津梁亦謂山

谿之險未始非國國之一端也

桃林口關 府北六十里桃林山口也控臨邊塞峙為

要地距縣城八十里有堡把總駐焉屬建昌路內小

口三一正水峪水口也一孤窠口一正佛兒口皆通

桃林口大路又西十七里為劉家口關

案府志桃林口關屬盧龍

○圖書集成云桃林口明季沿邊東至梧桐峪西至

白家山路長三十三里原設墩臺七十九座傳烽墩

二十一處敵臺七十九座每臺設臺總一名臺正副

二名臺兵五名傳烽墩二十一處每墩設墩頭一名

烽軍五名 國朝順治三年更定本口沿邊東至梧

桐峪西至香油峪劉家口交界止改設墩臺五座每

臺設墩兵三名共兵十五名

明劉景耀桃林口詩云野水年年去不還荒村面面

出高山小舟晚泊鴛鴦渚畫角秋生虎豹關出塞將

軍誰俠骨中原赤子正愁顏悲笳遙對嘯猿急暮日

爭如歸
鳥間

劉家口關 縣東北七十里內小口二一徐流口一河

流口皆通劉家口大路西南十里有劉家營係桃林

把總汎地又西二十四里為冷口關 案明建文初燕王駐永平謀并

大甯諸將曰攻大甯必道松亭關關門險塞恐難猝下燕王曰今從劉家口徑趣大甯不數日可達大甯

拔松亭自潰矣遂引兵自劉家口而北大甯果下嘉靖三十六年蒙古犯冷口轉攻劉家口遂陷桃林營

大掠縣境 圖書集成云劉家口明季係桃林口守備所管 國朝順治三年更定操守一員分管沿邊

東至本口月城樓西至偏坡樓冷口交界路長四十里止設墩臺七座每墩設兵三名共兵二十一名

案河流口冷口東第一關口也嘉靖三十六年蒙古把都兒入犯陷河流尋引去即此徐流口與劉家口

相接其南有徐流營俱築小城戍守

冷口關 縣北五十里內小口二一石門子一白道子

皆通冷口路又西二十五里為白羊峪關 案明嘉靖十年三衛

部長阿堆哈利赤數殺掠建昌及喜峯口太平砦一帶關為控禦要地自建昌營而東至燕河營五十里

西至太平砦六十里東方多事冷口嘗為出入之衝 圖書集成云冷口關明季原管樓臺一百零四座

每臺設立臺總一名臺正副二名臺兵五名 國朝

順治三年更定本口沿邊東至劉家口西至白羊峪

交界路長六十里止改設墩臺七座每墩設兵三名

共二十一名 高宗純皇帝灤水考盧龍塞今之潘家口也蘭陞今之喜

峯口也青陞今之冷口也其地皆遷安北境 邑令靳榮藩遷安口號云冷口迢迢近熱河八溝三

塢廣坡坨陪都內外年年熟容得中原萬竈多 自

白羊峪關

羊或作楊陽

縣北六十里有堡把總駐焉咸豐年

間移駐太平砦今屬擦崖子汛又西四十里至擦崖

子關

擦崖子關

崖一作牙

縣西北七十里有堡把總駐焉屬喜

峯路內小口三一新開嶺一洪峪口一五重安南有

五重安營關西十四里為城子嶺關

案明景泰中朱顏嘗挾賞於此

城子嶺關 縣西北八十里青山口東第四關口也為

清河上流外至熊虎頭通董家口大路又西二十六

里為榆木嶺關

案城子嶺西南至榆木嶺其間山嶺崎嶇所謂十八盤也

榆木嶺關 縣西北一百里把總駐焉屬喜峯路內小

口二一大嶺寨水口一爛柴溝外至熊虎頭通董家

口大路又西十六里爲青山口關又西二十五里爲

董家口關

董家口關 縣西北一百二十里長河上流係喜峯路

青山口外委汎地內小口二曰青山口曰遊鄉口青

山口關在太平砦西五十里遊鄉口即遊鄉山也又

西十五里爲鐵門關 案明嘉靖二十一年三衛部長
導北部入犯青山口又萬曆初

朵顏長昂犯喜峯口戚繼
光勒兵出青山敗之是也

鐵門關 縣西北一百三十里外通董家口大路內小

口二一李家峪口 峪一作谷 一西水峪口明三衛屬夷入

貢通衢也距關二里即李家峪口有堡外委駐焉今

移駐鐵門又西十五里爲喜峯口關

喜峯口關 縣西北一百五十里口東南五里有城都司把總巡檢駐焉西二里爲小喜峯口今閉又六里爲潘家口關喜峯口有來遠樓可容萬人明時駐兵戍守爲薊鎮重地我

朝章京遊擊駐防謂之喜峯路案道里記云由喜峯口東北六十里曰椴木峪關又六十里卽松亭關自松亭關至大甯廢衛凡三百六十里

潘家口關 縣西北二百里遵化東北四十里灤河上流千總駐焉屬喜峯路內小口二曰東常峪西常峪

常一關西十三里為柞子菴關案明嘉靖三十八年

作昌渡灤河由潘家口而西大掠薊州即此其東曰團亭砦又東即喜峯口也

柞子菴關 縣西北二百里內小口一曰三臺山又西

十三里為龍井關

龍井關 縣西北二百二十里澈河上流撥外委一員

駐紮屬喜峯路關西北古道嶺長十里西南至洪山

口關西則遵化界焉以上東自盧龍界起西至遵化界止共二百七十二里

附遷境關營地勢總記

遷邑北倚長城地勢雄據一帶皆關營也東與盧龍

接壤其臨邊地里自劉家口西北至溜渭溝寬百餘

步又北至白灘一名臭泉坑又通一措苦列兔川南
口俱川一里或寬二十步有樹西溝十餘步至石門
南川又自溜渭東通七谷口溝寬四步西至張盤山
迤南至孤樹坪俱溝六步並通馬又自本關水口西
至徐流水口關溝寬十餘步北過大川至麻地裏凡
兵馬出口燒荒皆此割管又至老鴉嶺溝二十步東
北通溜渭溝寬百步或十餘步並通大路自麻地西
溝六七步至沙嶺又騰山至羊圈並通馬又至前石
河溝寬二十步又自本關西至冷口關東北至斜崖
川寬二百餘步其崖東通前石河乃沿邊夾道溝寬

二十餘丈北至孤樹坪又至石家墳西北順河至蕎
麥山高聳可遠瞭俱川一里又北至石門川里半東
北三里溝二十步二十七里溝一里至一措苦列兔
俱有水入青龍河其石門西至召毛兔溝寬二十步
自本關西北至過石門有水又至石牌嶺塢山東北
通蕎麥山西北至察肚嶺在川南高陡下馬而至冷
口關關門又至獅子坪北至龍王廟又西北至召毛
兔俱川一里毛兔東北通一措苦列兔溝寬二十步
西北川二里至討來打堤一名抄來打堤並通大路
其過石門東至倒梨樹溝五十步轉東北過嶺至石

家墳溝十餘步漫山西北溝五十步或七八步亦通
察肚嶺並通馬西至閻王鼻川寬一里嶺高二里陡
峻有樹嶺南步通邊城五里又溝十餘步單馬至橫
嶺嶺在溝南路由溝中行嶺南溝寬十餘步通單馬
至邊城又南至太平路擦崖子提調下白羊谷水口
溝寬二十步東北至白土嶺溝寬一里或三十步又
騰栲栳山步通獅子坪又自本谷西北至枯井兒川
一里又至菘豆谷溝七八里南騰山十五里通邊城
東北溝寬三十餘步至東長城嶺高三里陡峻又溝
四五百步單馬通獅子坪又自本關西至新開嶺其至

芝麻坪溝寬十餘步東北由沙嶺川寬十餘步馬通
菜豆谷西北至獐狍谷川寬六十餘步或百步有樹
有水通擦撥老長城嶺並通大路又自本關至擦崖
子關撥分東西東撥北至樹木枝川七十步又至牌
檄嶺迤東而至老長城嶺高七里陡峻下馬魚貫而
進又西北溝五六步或十餘步單馬至鷺石又至討
來打埧東北至呼拏思大嶺溝寬二十步又北至乾
河川並通馬東北過嶺溝狹單馬通思太其自鷺石
東北至捨喇鎮溝百步有樹通馬東通龍王廟川二
里東北通召毛兔川三百餘步西北通討來打埧

百餘步俱有水有樹並通大路其自樹木枝東通芝
麻坪川一里有樹西至蔡家嶺又至單家嶺俱川寬
一里或三十步並通馬西撥西北至單家嶺又至白
石山則與榆撥陡兒互哨又自本關西至城子嶺關
北至單家嶺溝五六步西至柳子谷北溝五步步通
夾山嶺東通單家嶺溝十餘步或三四步嶺西至哈
哈石又至雙樹俱川六七步並通單馬又自谷西至
大嶺寨北至鶯窩崖又至紅石谷俱川寬三十步至
雙樹川寬四十步又至橫河川半里俱有樹並通大
路又自寨西至榆木嶺關東北至馬道嶺溝寬百步

又至韭菜畦溝十餘步北至長兒溝川寬半里西北至魚鱗溝東口川二十步或寬十餘丈俱有水及樹又至古城北至松嶺又至熊虎頭各川寬半里東至血嶺溝五十步又通討來打堤又東北通呼擎里太嶺各溝寬二十步有樹西至瓦窯川又西至石口兒東北至靴兒嶺又至長河臺俱川寬一里又通乾河川寬百餘丈西北溝一里至孤山北川寬半里至藍子嶺東通長河臺北至三岔口又如背荅如鼉門如龍鬚俱川寬一里其龍鬚夾山若門中寬二十步外若進本關須過此門徑由大川至舊峯又東北至駱

駝至半壁至打鷄而通會州皆大川有樹有水並通
大路其聶門東至安荅石川寬一里或半里又至安
荅打埧溝寬四十步俱有水通馬迤北二十里溝狹
容單馬外大川通湯兔自本關北至第四道關川寬
二百餘步東通魚鱗溝寬二十步北由陡兒嶺通古
城嶺又自本關西北勢崎嶇溝狹有樹有水至喜峯
路董家口提調下青山口關北通石口兒嶺西南至
艾谷口關東北至腰嶺北至平林各溝寬四五十步
又北通孤山自本口北至黃土臺東北通平林各川
半里俱有樹並通大路又自本口西至董家口關北

至黑山砲又東北由長哨通石兒口俱川里許西至
花園川寬百餘步北至觀音堂川一里東北至駱駝
嶺川二百餘步西北至桃樹谷川一里其桃樹東通
黑山砲西南通小嶺狹溝通單馬至喜撥營盤裏東
北由破房通三岔口俱有水及樹並通大路又至花
園川西至分水嶺川寬二十步通馬又至鐵門關北
至砲嶺各川一里又至細嶺西北至古道嶺各溝寬
二十步西至磨石谷溝五十步南十里通邊城溝寬
二十餘步又西至鶯窩裏溝四十步又自本關西南
至大喜峯口關西北川寬三里至營盤裏凡兵馬出